

Warhafftiger Ab-

druck vnd Copey/ einer abschrisse/

So vnlangst der Antichrist/ der

Babst

Zu Rom / In die dreyzehen ort inn

Schweitz gethan / daraus klerlich
zuuerstehen.

Warumb Keiser. Mai. 1546

Kriegsrüstung furges
nomen. .

1 5 4 6.





XVI. Qu. 11868

1951-D-5048

Nach dem von Gottes gnaden / Wir
Johans Friderich / Dertzog zu
Sachsen / des heiligen Römischen
Reichs Ertzmarschalch / vnd Chur
fürst / Landgraff inn Döringen /
Marggraff zu Meissen / vnd Burg
grau zu Magdeburg / Vnd von desselben gna-
den / Wir Philipps Landgrau zu Hessen / Gra-
ue zu Catzenelenbogen / Dietz / Siegenhain / vñ
Nidda / vnlangst vnsern warhafftigen bericht /
Warumb vns zu vnschuldigen auffgelegt wirdet /
das wir Römischer Key. May. vngehorsame
Fürsten sein sollen / im druck öffentlich haben
ausgehen / vnd darinnen vrsachen / vnd vmb-
stende anzeigen / lassen / Derhalben wir keins
streflichen vngehorsams zubeschuldigen / noch
zuberwinden sein mügen / mit solcher ausfü-
rung / das vnter dem schein / desselben vermein-
ten vngehorsams / nichts anders dann ausren-
tunge vnd verdrückunge / Gottes allein seligma-
chenden Worts / vnserer wahren Christlichen
Religion / Auch des Reichs Deudscher Nation /
Freiheit vnd Libertet gemeint / wie solchs aus
demselben vnserm ausschreiben / weiter eigent-
lich zuuorstehen / vnd zuuornemen ist.

Als thun wir ferner jedermeniglich / wes
Standts / Wirten / vnd wesen die sein / kunth
A ij vnd

vnd zu wissen / das vns itzo warhafftige Co-
peien einer Schrift / welche der Antichrist zu
Rom / der Babst / an die dreyzehen örter / der
Aydgnosschafft / inn obern Deudschland / inn
Lateinischer sprache gethan / Vnd wir inn
Deudsche sprache / eigentlich haben Transfe-
riren vnd bringen lassen / zu handen komen ist /
Welche Copeien im fall der not / mit dem Ori-
ginal bescheint / vnd bekrefftigt werden kan /
So haben wir die notdurfft zu sein / erachtet /
solche Schrift / auch inn druck / vnd offenta-
lich an tag zugeben lassen / Welche von wor-
ten zu worten hernach volget...

Unsern geliebten Söhnen / den
dreizehen orten der Ahdgnoschafft im
Oberdendschland / Beschürtzern
der Kirchen freiheit.

WUndschen wir Paulus Babst / der
dritt dis namens / heil / vnd vnsern
Apostolischen Segen / Nach
dem wir vnd vnser vorfaren / euch
vnd ewerer streitbaren Nation /
Ihe vnd alwege mit geneigtem vnd gutem wil
len zugethan gewesen / daher wir auch verur
sacht / alles was euch zu nutz vnd ehren gerei
chen möchte / zum vleissigsten zubefordern / als
wir in keinen zweinel / ihr werdet desselben noch
alles indencck sein / Vnd das solche verwantnus
zwischen euch / vnd dem heiligen Apostolischen
Stul / also vnd dermassen herkommen / aus vielen
stadlichen vnd offentlichen anzeigungen ver
marckt / vnd nicht in verges gestellt / Sonderlich
dieweil wir euch nu viel zeit her / mit guten ehr
lichen bestellungen vnd besoldungen versehen /
vnd zu verwarung vnser eigenen leibs / als die
ner gebraucht vnd erzogen haben / Dargegen
beide / wir vnd vnser vorfahrn / Ewere trew
vñ darsetzung ewers vermügens / neben vns je
der zeit / inn allen fürfallenden nöten / vngespart
vermarckt vnd befunden / Wiewol nun dem als
A ij len

len also / So haben sich doch etliche aus gesa-
stem neid vnd abgunst / felschlicher vnd arglisti-
ger weise / als die / so zu ausrentung vnd vnder
drückung aller guten Gesetz vnd ordnung / auch
zerstörung vnd vertilgung / der heiligen alten A-
postolischen Religion / zum höchsten geneigt
sind / vnderstanden / diese vnser hergebrachte
freundschaft vnd verwantnus / daraus Euch /
ehre / rhum / vnd alle wolart entstanden / zu-
trennen / vnd ein sonderung zwischen vns zu
machen / Vnd haben es gleichwol durch hülff /
zuthun vnd eingeben des höchsten feinds men-
lichs geschlechts dahin bracht / das sie vns / als
dem Vater / etliche seine liebste kinder / gleich
als aus der Schoß vnd armen gerissen / Wel-
ches vns dann zum höchsten schmerzlich vnd
bekümerlich / Deren jemerlich vorterb vnd vn-
tergang / bis wir auff diese stund / one vnterlas
klagen / vnd darob leid tragen / mit hertzlichem
seufftzen vnd begern / das sie / als die / vor wel-
che wir tag vnd nacht sorgen / vñ jren schaden /
Gott dem Allmechtigen durch vnser gebet / one
auffhören fürtragen / seiner Allmechtigkeit vnd
vns widerumb möchten zu bracht werden .

Wir thun aber seiner güte vnd barmher-
zigkeit / dis allein zumessen / vñ dafür dancken /
das ein guter teil vnter euch / im glauben gegen
Gott / vnd der heiligen Mutter der Kirchen / bis
anher bestendig blieben / vnd sich von dem be-
kenntnis

kenntnis der wahren Christlichen Religion /
nicht haben dringen noch abwenden lassen / in
welchem Gott / ein Herr der barmhertzigkeit
vber euch / die jenigen so bestanden / den Geist
seiner weisheit reichlich ausgegossen / vnd so etz
lich von euch / durch boshaftigs eingeben vnd
anleitung / vntrewer vñ verfürischer menschen /
falschlich verleitet / vnd zu einer andern lere od
der glauben beredet worden / So solten doch
die selben / billich / das Exempel des andern
vnd größern theils / welchs bestendig vnd vn
vorsurt blieben / für augen nemen / deste ehe
widerumb abstehen / vnd sich zu dem heiligen
glauben / welchem ire Väter / Grosväter / vhr
vnd anherrn / als trewe glieder / der alten Ca
tholischen Kirchen / von anbegin hero anhen
gig gewesen / bekeren vnd wenden.

Das nu solches gewislich also der Gött
lich wille vnd meinung sey / erscheint klar vnd
offentlich aus dem / das solcher fried / lieb vnd
einigkeit vnter euch / auch durch die fürgefalle
nen spaltungen vnd misnerstand der Religion
(daraus dan alwege grosse schedliche empörun
gen zuentstehen pflegen) nicht hat mögen ge
trent / noch auffgehoben werden / Welchen
fried vnd einigkeit / wir auch für ein grosse an
zeigung ewer frömkheit / vnd das jr vnserm ver
trawen vnd hoffnung nach / auff vnser seiten /
vnd mit vns einig seelen werdet / verstehen vnd
halten. Vnd

Vnd zwar / so haben wir für vnser person
von anfang vnfers Pabstthumbs nichts vnder
lassen / Sondern allen müglichen vleis fürge
want / damit der misverstand vnd die spaltun
gen in der Religion / möchten auffgehoben vnd
gestilt / Auch vnter den Christlichen Potentaten
vnd Fürsten (wie euch dann vnuerborgen) fried
vnd einigkeit auffgericht vnd erhalten werden /
Dazu wir dann erstlich den lindesten weg / als
mit schreiben / vermanen vñ erinnern / dardurch
die hertzen vnd gemüter der Ketzer / hetten mö
gen erweicht vnd bekert werden / an die hand ge
nomen / Dernachmals als solchs nicht fortgen
gig / sondern gantz vnfruchtbar gewesen / zu
dem höchsten vnd furnemsten mittel / nemlich /
einem oecumenico vnd general Concilio gegrif
fen / Vnd weil die Kotten vnd Ketzereyen inn
Deuschland furnemlich angefangen / vnd v
ber hand genomen / solch Concilium gegen
Trient / Welche Stat auff Deuschem grund
vnd bodem / Auch vnter Deuschcher bottmessig
keit gelegen / ernant vnd ausgeschrieben / auff
das sie dasselbig deste bequemer besuchen / sich
er darinnen sein / vnd ire lere / so sie wolten / ver
teidigen möchten / Dañ wir haben gehofft / wie
wir vns dann billich / auch anders nicht zu vor
sehen gehabt / das von wegen des grossen anse
hens vnd gewalts eins gemeinen Conciliums /
Welches alle Christliche König vñ Nationen /
ibe

ihre vñ alwege / hoch vnd gros / gehalten / Auch
von wegen der vorsamlung / so viel fromer ehr-
licher Bischoffe / welche aus allen Nationen
des orts beisamen gewesen / von dem heiligen
Christlichen glauben / aus eingebung des heil-
gen Geistes zu handeln / niemand so vnuersch-
ambt solte befunden werdē / welcher sich nicht
lieber dem Göttlichen / dan dem menschlichen
gewalt / vntergeben / Auch hindan gesetzt alles
boshafftigen verfürischen eingebens / der vntre-
wen menschen / der gantzen Catholischen Kir-
chen erkentnis nicht leiden / noch annemen wol-
te. Welches vertrauen wir zu Euch / geliebten
Söhne / noch auff diese stund tragen / Vnd den
frieden vnd einigkeit vnter Euch / welche / wie
vorgemelt / hoch zurhümen vnd zu loben / als
für ein vrsach vñ grossen vorteil / vns von Gott
fürgestellt / erkennen vnd annemen / Ewere her-
tzen vnd gemüter abermals mit Gott vnd vns /
zu verbinden / vnd zuuoreinigen. Sintemal die
ihenigen / so hiez zu vor / vnd bisanher / trew vñ
bestendig blieben / one das / dem heiligen Con-
cilio gern vntertheniglich volgen vñ gehorsam
sein / Die andern aber / so nicht durch ire schuld
vnd fürsetzlich / Sondern aus einfald vnd vn-
verstand gefallen vñ geirret haben / den gewalt
des heiligen gemeinen Concilij / vnd seines hei-
ligen Geistes / der es regirt vnd füret / sonder
zweifel nicht verachten werden / Zu welchem
Concilio wir euch / als zu einem Dimelischen
B Rath

Rath vnd versammlung / inn welchem er heilige
Geist der Oberst ist / vnd dasselbig allenthalb
regirt vnd leitet / mit besonderm vleis erfor-
dern / beruffen vnd ermanen / wie dan vormals
von vns auch beschehen.

Nach dem sich aber gantz vnuorsehenlich /
vnd widder all vnser hoffnung vñ gedanken /
zugetragen / das etzliche vnter den Deudschen /
Sonderlich von denen / so sich Fürsten thun
nennen / den hohen trefflichen / ja mehr Gött-
lichen / dann menschlichen gewalt / des heiligen
General Concilij / aus sonderlichem stoltz / vnd
vbermut / zuuerachten sich vnterstanden / Also /
das sie nicht allein dasselbig / zubefuchen in wei-
gerung gestanden / Sondern auch auff's höchst
vnd hefftigst / mit schand vnd schmach schrift-
ten angegriffen / gelestert vnd geschendet / Sich
auch vernemen lassen / das sie auff die handlung
gen vnd schlus / berichts Concilij nichts geben /
demselben auch weder volgen noch gehorsa-
men wolten / als haben wir solchs / wie wir mit
warheit bekennē müssen / mit gantz bekümmertem
vnd betrübtem gemüt vernomen / Dann wir
spüren vnd befinden daraus so viel / das wir
durch diesen vngehorsam / vnd widdersetzigkeit
der verstockten leute / vnuermeydlich gedrungen
vnd verursacht werden müsten / die sachen mit
dem schwert vnd der faust / fürzunehmen / vnd
zugreifen / Dieweil wir nicht allein das ver-
damnis / vnd den vndergang aller Seelen / so
mit

mit dem gifft dieser Ketzereien angezünd vnd be-
schmeißt werden / Sondern auch die verach-
tung / vnd das jemerliche zertretten / nicht allein
des Geistlichen / sondern auch des Christlichen
namens / ehren vnd würden / lenger nicht dul-
den noch leiden köndten / Solchs wolte vns an-
ber / erstlich / von wegen vnser Seelenforger
Ampts / vnd der Väterlichen liebe / so wir zu al-
len gleubigen Gottes / vnd vnsern kindern tra-
gen / Zum andern / von wegen vnser stands vñ
würden / der Hebstlichen hoheit / vnd reputa-
tion / nicht wol zu stehen noch gebüren.

Als wir nu ein zeit heru vielfaltig / was doch
in diesen sachen zuthun / vnd welcher gestalt dem
selbigen zurathen sein möchte / bey vns bedacht
vnd erwogen / Auch Gott mit vleis / vnd trew-
lich gebeten / vns das liecht seiner hülffe erschei-
nen zulassen / Do hat sich bequemlich zugetra-
gen / das sich diese verfürische Gottlose leut /
an vnserm liebsten Son inn **CHRISTO** / **Ca-**
rolo / dem fünfften / dis namens / Römischen
Kaysen / zu allen zeiten mehrer des Reichs /
welcher bis anher / ihe vnd alwege Gott / vnd
sein heilige wahre Catholische vñ Apostolische
Kirche / mit ernst vnd trewen gemeint / Auch
eins Gottseligen hertzens vñ gemüts ist / durch
dergleichen mishandlung vñ verbrechung glei-
cher massen / wie an vns beschehē / auch vergrif-
fen / Nemlich / dieweil wir fürnemlich auff sein
bitt vñ anhalten / das Concilium in Deudscher

Nation angestellt / vnd ausgeschrieben / das sie
dasselbig / vnd neben dem / seine selbst authori-
tet / gewalt vnd befehl verachtet / wie denn sol-
ches von ihren etlichen öffentlich / vnuerholen /
vnd gantz trutziger weise beschehen / Darumb
er dann bey sich beschloffen / die vorbrechung /
so an dem heiligen Christlichen glauben / vnd
einigkeit desselben beschehen / mit gewapneter
hand vnd kriegsrüstung zu straffen.

Welcher bequemigkeit / als der / so vns von
Gott vngeweiffelt zugeschickt / wir vns willig
vñ gerne anhengig gemacht / vnd sind des end-
lichen gemüts / bey diesem des Keyfers löblich-
em fürhaben / all vnser / vnd der heiligen Römi-
schen Kirchen / macht vnd vermügen / zuzesetz-
en / vñ diesen vnsern dienst vñ handlung / Gott
dem almechtigen / des namen / Ehr vñ herrlig-
keit / wir beschützen / zuthun vnd zeleisten / Dañ
wir wöllen es darzu nicht gereichen / noch ko-
men lassen / das sein Almechtigkeit / von wegen
vnser vnflais / vnachtsamkeit vnd versenmnis /
so viel seelen vnser Kinder / so durch die verfüris-
sche lehr der Ketzler / zum verdammnis geführt /
von vnsern henden fordere.

Solch vnser gemüt vnd meinung / haben
wir euch / als vnsern geliebten Sönnen / durch
dis vnser schreiben / nicht vneröffnet lassen wö-
len / Erstlich darumb / das wir euch / als denen /
zu welchen wir sonderliche lieb vnd neigung tra-
gen / vnser sorg vñ obligen gern mitteilen / Zum
andern

andern thun wir euch auch hienor ermanen/vñ
von euch gesinnen / das jr mit hertzen vñ willen
bey vns / das ist / bey Gott selbst / vnd der waren
Christlichen Religion / sein vnd stehen wöllet.

Dann wiewol wir von euch / viel ehrlicher /
trefflicher thaten zu rhümen vñ zusagen wissen /
So ist doch dieser keine zu vergleichen noch für
zuziehen / Nemlich / so jr die alte erlangte huld
vnd gnad von Gott / welche ewere Voreltern al
wege gantz trewlich vñ fleissig / geehrt vñ hoch
geachtet haben / nu mehr auch vernewen vnd
erhalte / Desgleichen dem Apostolischen stul /
welcher euch allezeit gros / vnd mit höchstem
vermögen geehrt vnd gefürdert / daneben auch
Uns / die wir alle veterliche liebe vnd neigung zu
euch tragen / die alte hergebrachte liebe vnd
freundschaft / in dieser sachen Gottes / zu hülff
vnd vorsezung derselben erzeigen vnd bewei-
sen / auch daneben ewere hülff thun vnd leisten
werdet / als wir Gott den Almechtigen zu for-
derst vnd volgend euch / als vnserer liebste Sö-
ne / zu ewerm selbst besten nutz / vnd fromen /
hiemit gantz trewlich vnd vleissig gebeten / er-
innert vnd ermant haben wölten / Datum.

B in Weil

Will dann aus solchem des Babsts schreiben meniglich klar vnd eigentlich zuuor-mercken / das der Babst Gottes wort vnd vnser ware Christliche Religion / mit gewalt / vnd dem schwerd zuuortilgen willens / Allein darumb / das er seinen Antichristlichen Stand / Abgötterey / vnd irthumb erhalten möge / Auch ehe vnd zuuor / sein vormeintes parteisch Concilium zu Trient / mit seinem geschwornen hauffen zu beschlus bracht / Darzu das Key. M. one zweinel auff sein / des Babsts Emsigs vnd hefftigs anhalten / ir fürgesetzt des vorletzten Christlichen glaubens herrligkeit vnd einigkeit / wie es von ime / dem Babst / genannt wirdet / mit dem Schwerd zu rechen / welcher Occasion vnd bequemigkeit / er sich vleissig zugethan / vnd ime also fürgenomen / das er Kayserlicher Maiestet guten willen / mit allem seinem vermügen / vñ der Römischen Kirchen gütern vnd hülff / beizustehen vnd zu helfen / entschlossen / vnd bedacht / So ist nu mehr kein zweinel zu haben / mit Kayserlicher Maiestat Kriegsrüstunge / vnd fürhaben / ob wol von ihrer Maiestet der schein / vormaints vngehorsams / listig fürgegeben / anders nichts / dann anstiltunge / vnd vordrückung Gottes worts / vnd wahrer Christlichen Religion / auch vnser / vnd vnser mitvorwanten Stende / vnd do ihre May. darinnen ihren willen

len geschafft / Welchs aber der Allmechtige/
mit gnaden wenden vnd vorhüten wölle / Dar-
nach die Lößliche Deudsche Nation / inn ein
ewige seruitut vnd dienstbarkeit / zubringen
gemeint ist / Demnach wölle meniglich/
solchs alles / auch des Babsts vnd Keyser.
Maieestet / vnkeyserlich / vnfürstlich fürnemen /
so zuwider dem Rechte / Reichs ordnung / dem
Land / vnd gemeinem im Reich auffgerichten
frieden / friedestende / auch ihrer Maieestet eids-
lichen geschwornen Obligation / vnd inn son-
derheit / do ihre Maieestet auff vergangnem
Reichstage zu Regenspurgt / wie auch noch
heutigis tags / vnter geferbtem schein / fürge-
geben / wie vetterlich vnd gnedig ihre Maieest.
das Reiche Deudscher Nation / als das
Vaterland / die zeit ihrer Keyserlichen Regi-
runge / bisher gemeint / vnd nochmals mai-
nen / Do sich aber nun das gegenspiel /
klarlich vnd eigentlich befindet / Nemlich /
die Deudsche Nation / inn endtlichen vnd ewi-
gen verterb zubringen / vnd zusetzen / vnd zu
gemäth führen / vnd sich ferrer nicht bereden /
noch jnen einbilde lassen / als beschehe es vmb
straffung willē / etlichs vnghehorsams / des man
Gott lob / gantz frey vnd vnschuldig ist / Son-
dern / wie vorstehet / zu ausrentung vnd vordrü-
ckung Gottes worts / vnd der waren Christli-
chen Religion / Auch des Reichs freiheit vnd
libertet / vnd sich zuerhaltunge desselben Got-
tes

tes worts / vnd warer Christlichen Religion /
auch des Reichs löblichen freihait vnd libertet /
die vnser Vorfahrn mit irer Manlichen tu-
gent / löblich erworben / wie einem jeden / ge-
gen Gott / vnd dem Vaterland / seinem gewis-
sen vnd verwantnis nach / gebühren vnd zuste-
hen wil / halten vnd erzeigen / vnd des vnchrist-
lichen / Welschen / Italianischen / Spanisch-
en / vnd anders auswertigen volcks / welches
der Babst vnd Keyser / zu verderbung Deut-
scher Nation / Tyranny / trewlich abtreiben /
vnd das Vaterland retten helffen / Wie wir vns
gantzlich vnd vnzweinelich zu allen Ehrlieben-
den vorsehen / vnd durch Göttliche gnedige
hülff / vnd vorleibunge vnser teils sampt vn-
sern mitnorwanten / auch thuen / vnd vmb
Gottes / vnd seines heiligen worts ehre vnd
Glori / auch vmb des heiligen Reichs wolffart /
freihait vnd libertet willen / alles vnser vermü-
gen / wie wir vns des schuldig erkennen / auff-
zusetzen / bereit vnd willig sind.



Ende.